

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 3. Mäerz 2022


Här President,  
esou wéi d'Chamberreglement et virgesäit, bieden ech Iech, dës parlamentaresch Fro un d'Madamm Kulturminister weiderzeleeden.

Spéitstens am September muss déi polizeihistoresch Sammlung vum Policemusée dat historescht Gebai um Verluerekascht verloossen. D'Policemusée asbl krut zougeséichert, datt en Deel vun dëser Sammlung am Keller vum Kulturzentrum zu Capellen ënner Daach komme wäert. Allerdéngs héchstwarscheinlech just fir fënnf oder sechs Joer. Dono wëll d'Gemeng Mamer déi entspreichend Ausstellungsfläch erëm fir aner Zwecker benotzen. Een aneren Deel vun der polizeihistorescher Sammlung wäert viraussiichtlech an enger Logistikhall vun der Police een neit Ënnerdaach fannen, allerdéngs, sou wéi et ausgesäit, och just provisoeresch. Wat dono mat dësen Ausstellungsstécker geschitt, ass ongewëss.

An deem Kontext hunn ech folgend Froen un d'Madamm Kulturminister:

- 1) Kann d'Madamm Minister confirméieren, datt **all** d'Ausstellungsstécker vun der polizeihistorescher Sammlung een neit Ënnerdaach op deenen zwou genannte Plaze fanne wäerten, an datt dës Léisung just provisoeresch ass? Wann net: Wat geschitt mat deenen Ausstellungsstécker, déi net kënnen ënnerbruecht ginn?
- 2) Kann d'Madamm Minister bestätegen, datt d'Ausstellungsstécker just provisoeresch op deenen zwou Plazen ënnerbruecht ginn?
- 3) Ass d'Regierung drun intresséiert, déi an Zukunft "opgespléckte" Sammlung iergendwann erëm op enger Plaz zesammenzeféieren?

Mat déiwem Respekt,



Fred Keup, Deputéierten